



Universitätsbibliothek Paderborn

Instructio practica ...

Succinctam Doctrinarum Asceticarum Svmam Comprehendens - Quam
ad majorem omnium in Ascesi proficere cupientium utilitatem ac
subsidiū

Lohner, Tobias

Dilingæ, 1685

§. 5. De Tempore.

[urn:nbn:de:hbz:466:1-48214](#)

testē Seneca dicere : quodcunque semel dixi , fixum , ratūmque sit : non enim est turpe cum re mutare consilium : nec levitas censeri debet , à cognito & damnato errore discedere. Oportet enim , ut Plato sapienter dixit , tanquam in telorum jaētu , ad id , quod ceciderit , res suas aptare , quo cunque modo ratio id optimum esse duxerit.

§. V.

De Tempore.

I. Est numerus motus secundūm prius & postei-
tius , juxta Aristotelem l. 4. phys. de quo sequentia A-
scetæ bene notanda sunt.

II. Primum est , ut sciat , quod nullum tempus
estimandum sit , nisi quod in bonis operibus con-
sumptum est. Hinc Saul duobus duntaxat annis re-
gnâsse dicitur , quia licet multis annis regnaverit , illis
tamen solis regnâsse dicitur , in quibus innocens &
humilis fuisse perhibetur , ut ait S. Gregorius , qui &
addit : Illo ergo solūm tempore nos vixisse gaudea-
mus , quo innocenter & humiliter viximus ; nam il-
la tempora , quæ in sœculi vanitate , & fluxa carnis
vita consumpsimus , quasi perdata minime memoran-
tur. Unde & Richardus Victorinus , melior est , in-
quit , senectus morum , quam annorum : meritorum ,
quam temporum. Perfecta est ætas , ubi perfecta
virtus est. Nec malè Poëta :

Vive precor , sed vive DEO : nam vivere Mundo
Mortis opus ; una est vivere vita DEO.

III. Alterum est , ut medium nōrit , quo præte-
titum tempus redimere queat ; id quod præclarè S.

X 5

Tho-

Thomas ostendit, dicens : Contingit quandoque, quod aliquis per magnum tempus vitæ vivit in peccato, & hoc est tempus perditum : sed quomodo redimet, cum homo non sufficiat ad debita perfolvendi: respondeo : dicendum est, quod tanto magis debe vacare operibus bonis, quanto prius instituit malum. Nam, ut S. Hieronymus ait, subitus calor longum tempore vincit. Hinc cum quondam S. Gertrudis pateret à DEO & Sponso suo Christo, ut peccatorum suorum, & defectuum non recordaretur amplius, rapta est à Christo in cælum, & cum veste lacinij & centonibus consueta coram Patre cælesti apparuit, ubi, quamprimum Christus pro ea peroravit, & pretium vitæ ac sanguinis obtulit, derepente vestis illa, in qua omnes illius defectus distincte representabantur, laminâ aureâ, instar chrystalli lucidâ, cooperata fuit.

IV. Tertium est, ut firmiter statuat reliquum vitæ tempus bene impendere, eumque in finem mineraliter, vitam nostram, teste S. Gregorio Nazianzeno, quasi mercatum esse, cuius dies, cum abierit tempus non erit emendi, quæ velis. Dicat prouinciam S. Chrysologo : Vivamus DEO paululum, quæculo viximus totum : dedimus corpori annum, dum animæ paucos dies : tempus est, ut aliquando domui tuæ provideas.

V. Quartum est, ut sciat modum legitimum tempus suum dispensandi, quem quidem jam pridem Bias Philosophus docuit, dum dixit, ita metiendu cuique esse tempus, quasi diu & parum viæsturi simus.

* * *

§. VI